

1

Khosi dza shango la Vhulovhedzi.

Bolobedu.

1. Phetole = Phindule
2. Swale = Tshiale
3. Mokote = Mugondo
4. Motšatši = Mudzhadzhi
5. Masalanabo or Seoela = Masalanavho
6. Seoela or Sesethoane.

Mudzhadzhi o bebiwa na Maligudu Musi Khosi ya Vhulovhedzi Mugondo o no fa, Maligudu na Malifhiso vha thoma u vhangisana vuhosi.

Mudzhadzhi ene ndi musisi a tshe ha Likhali, hee a shavhela hone musisi Mugondo a tsha di tshila.

Maligudu o vha a tshi dzula Tshithagoni hone ha vha musanda wa namusi. Malifhiso ene a tshi dzula Maulwi, henefho ndi hone Tshiendeulu, Tshiozwi tsha vha Vhulovhedzi, na hone henefho Maulwi a hu tendelwi u dzhena Mutonga, hu a ila. Ndi henefho hee Malifhiso a vha a tshi dzula hone. Mudzhadzhi a zwi pfa e ngei ha Likhali uri: Maligudu na Malifhiso vha khou lwa, vha vhangisana vuhosi a vhuya a da a dzula Tshikhudini. E henefho a vhudzisa uri: "Ndi mini ni tshi vhangisana vuhosi ha Muhali?" Maligudu a ri: Nne ndi lwela iwe khaladzi yanga, ndo hana fhedzi boyu Malifhiso a tshi ri ndi ene khosi. Nne huufha ndi tshi zwi divha uri nwana wa tanghe ha Koni u vha khosi? Ndi nga di hwela hani, ndi tshi fuma u vha khosi." Mivhango ya fhela, shango la lala. Zwino vhatu vha thoma u lutanya Maligudu na khosi Mudzhadzhi vha tshi ri: "Uri ndi do u vhona, musidzanyana u dzula hani vuhosi rine vhatuka ri hone". Zwino henefho he Maligudu a dzula hone Tshithagoni, ndi kha Muvhundu, ndi mutha, na ngei Tshikhudini, ndi fhasi, mudavhini, bezwi zwa thoma u ofhisa. Mudzhadzhi, a pandela Maligudu Tshithagoni, a tuwa a ya a fhata Tshikhothi. E henefho na hone vha di mu fhata vha ri: U ri: Khosi ndi do i vhulaba".

RM/

A di pandelwa na henefho a ya a fhata hunwe hu no pfi Luweni. E henefho na hone vha di mu fheta a pandelwa a pfulutshela Luvhanga. Na henefho vha di mu fheta, a tshi tuwa henefho a siya thonga yawe ya tshugulu, ndi hone a tshi dzhena ngeno shangani la Venda unga vha tshi khou pfana, a humbela vhudzulo ha Mphaphuli, a dzula hone na magota awe.

Henefho o dzula tshifhinga tshilapfu. Nga linwe duvha ha da munwe munna a no dzula Vhulovhedzi, a da a dzhena ha Mphaphuli, a tshi khou tshimbila a tshi vhambadza thundu dzawe, a ri u pfa u ri Maligudu u henefho, a humbela u vhone nae, a ri u funa u vhone khosi. Vha mu swikisa. Musi vho dzula vha tshi khou vhudzisana mafhungo na a hayani, Maligudu a ri: Iwi ni vhanvha shango, zwino nne ngeno a tho ngo dowela shango lino, zwino, ni nga si nnyambeke-vho zwa vhudi kha hoyo khaladzi, uri ndi tou vhuya-vho ngeo hayani? Ndo no neta nga u tshimbila na u dzula kha mashango a vhanwe, vhe si vha hau". Ula munna a ri: Ri do ni ambela thovhela, ngauri hayani ha hau ndi hone hayani. Ula munna u tuwa henefho a vha o no hwala dzone thwala vhukuma, a gidima duvha lothe, a vhuya a swika Vhulovhedzi vhusiku, khoro dza Musanda dzo no valelwa. A vhidzelela u ri vha mu vulele, a ri u funa u vhone na khosi, ngauri u na mafhungo mahulu ane a funa a emba na khosi. O no swikiswa, a emba a ri: Ndi bva ha Mphaphuli, ndo vhone na Maligudu. Zwino Maligudu u ri: Naa, u yo khaladzi Mudzhadzhi itani, a tshi nthupha nga u mpandela u swika zwino u a ndivha, ndi do mu latisa. A engedza a ri: Na zwino ndo siya mmbi dzo rambiwa dza u da u diya fhano, ndi zwe nda ri ndi do zwino namusi naho = hu vhusiku." Nga matshelo khosi Mudzhadzhi a da khoroni vhanna vho kuvhanganana, a ri: A thongo beba, thi na vhana, arali ngavhe ndo beba ndi musisi ndi tshi do zwi vhone. Iyani ngei ha Mphaphuli, ni yo vhulaha Maligudu, ndi pfe uri o fa, arali Mphaphuli a hana nae, ri do tangana (moula ha nga i vhone)." Ya rambiwa ya tuwa ya ya Ha Mphaphuli vha swika vha dzula nda vho dzumbama, ha ya vha hulewane vha ya vha hanelela khosi Mphaphuli. Mphaphuli a ri u zwi pfa a hana. Vha mu vhudza uri Madzhadzhi o emba uri arali Mphaphuli a hana, ri do tangana,

u a nndivha (duvha li do mu fhisa)". Mphaphuli a ri: Ndi zwone, mu dzhieni ni mu vhulabele ngei kule na shango langa". Zwenezwo vha ya ha Maligudu vha ri: "Hu pfi ri de ri vha dzhie, uri vha vhu-ye hayani". Maligudu a ri: "Hezwi zwithu zwi a mangadza, ndi hone ndo zwi vhona uri, no nndutanya na khaladzi yinga Mudzhadzhi, unga o mpandela nda vhuya nde swika fhano, ndi mulandu wanu. Mulovha ho da muthu a ri u funa u mbona, nda nu humbela uri: A nnyambele na khosi uri ndi vhuzelele hayani ha hashu namusi ni ri: no da u ndzha. Ngeno a thi tsha tuwa, ndi do fela hone". Ndi hone a tshi vhidza vhafumakadzi vhawe, a vha vhudza uri: "Namusi ndi yo nwa halwa ha u fhiledza". Zwenezwo a vhudza

7  
 a vhafumakadzi wawe muhulwane Malifhiso, Makhulu wa (Mokoto Sefata Mollo) Mugondo - Tshipala - Mulilo, a ri: "Ndo tuwa, ni sale ni tshi di-lugisela u shavha, ni dzhie thovho heyi yo phutwaho, i na thungu ngonu, ni tshi fhira a vha nga ni vhoi, ni shavhele ha Tshivhasa. Maligudu a tuwa na vhala vhatu vha ya vha mu vhulaha. Vha gidimela u thuba vhafumakadzi na vhana na thinidu hayani. Vha da vha dzula khoroni. Malifhiso a dzhia ila thovho a vha ranga phanda vhothe vha tevhele, vha fhira ila mmbi yo dzula khoroni, vha bva vha shavhela ha Tshivhasa. Magota awe one a shavhela ha Mashau. Vha tshi swike Tshivhasa a ri: Itani ri vhone unga ni vhahulwane". Ndi hone vha tshi boisa Tsanwani nwana wa Vhaligudu, we a vha a si na nne, nne-awe vho lovha kale a kha di vha musidzanyana mutuku wa thunga mamu (13 yrs), na hone

8  
 khotsiawe o vha o no fa-vho. Ndi ene we a fhiwa Tshivhasa. Tshivhasa a vha fha mudi une wa vha u na madulu o dalaho mavhele na mufhoho uri vha dzule hone. Ndi mudi we wa pandela vhane vhawo, hu tshi pfi ndi vhaloi. Tsanwani a vha mutanuni wa Musanda ha Tshivhasa. Nwana wa Tsanwani ndi:

- 1 Denga Ramuthivheli
- 2 Mudzunga
- 3 Tshigede
- 4 Thinyani
- 5 Mudziwa.

Nga line duvha, Denga a ya Vhulovhedzi ha vho Malume-wawe RM/ u dala, musi e henengu, a vheulwa tshindu sa vha Vhulovhedzi.

- A dovha a vhuzelele hayani ha hawe ha Tshivhasa. Vha Vhusanda wa ha Tshivhasa vho Makhilimankhili vha tshi vbona a vheulwa zwenezwo vha sinyuwa, vha vhamba maano a u mu vhulaha. Ndi hone mme-awe.
- 9 Nwa-Muhali vha tshi shavha na vhana vhavbo na vhanwe vhafumakadzi vhe vha ja navho vha ya Dzanani ha Ramabulana. Ndi hone khosi Ramavhoya a tshi vha tanganedza, a ri vha dzule, a ri: "Rine ngeno ri vha khotsi-muhulu, vha ha Tshivhasa ndi vha khotsi-munene. Na heneho ha Ramabulana vho dzula tshifhinga tshilapfu-myana. Zwa dina nge Ramavhoya a funa u dzhia nwana wa Tsanwani uri a vhe mufumakadzi wawe. Maduvha eneo ha da tshikona tshi tshi bva Tshitungulu tshi tsha Rasikhuthuma, na ene mune thovhele Rasikhuthuma a funa-vho u dzhia nwana wa Tsanwani. Ha vha zwa Mashudu a ene Tsanwani. Zwenezwo hu tshi mbo swika Mavhuvhi, munwe wa ala magota a Maligudu, a tshi bva ha Mashau, he vha vha vho shavhela hone. A da uri a tuwe na Tsanwani na vhana na vhafumakadzi
- 10 uri vha ye hayani Vhulovhedzi. Tsanwani a ya a humbela uri vha mu tendele u tuwa u ya Vhulovhedzi na vhana. Vha musanda vha hana ~~xx~~ vha ri: "Ni khou tuwa tshothe". Tsanwani a ri: Ri do vhuya, ri yo thungulela Midzimu yashu, ngauri shango a li vudi". Khosi a ri: Izwo siyani vhana". Tsanwani eri: "Vhana ndi vhone vhane vha fanela u vha hone musi ri tshi tungulela midzimu yashu, uri na vhana vha takale". Vha Musanda vha tenda. Ndi hone vha tshi tuwa ha Ramabulana, vha da vha fhata hune ha pfi: Muliloni, shangoni la Vhulovhedzi. Nge vho Mphaphuli vha tendela uri
- 11 Maligudu a vhulaha, na hone nge malofha a wa lushaka lwa Vhalovhedzi a shululwa shangoni la Mphaphuli, vha ha Mphaphuli vha na mulandu na vha Vhulovhedzi. Ndi zwo khosi Mphaphuli a bvisa musidzana u pfumedzana mafhungo na vha ngei Vhulovhedzi. Musidzana a no pfi Tshixedzi, a da a vha mutanuni wa Vhulovhedzi, wa Mudzhadzhi, na zwino o fela hone henengu shangoni la Vhulovhedzi.

END S 351